


EKALESIA FAAPOTOPOTOGA KERISIANO I AMERIKA SAMOA

TUSI AOGA ASO SA



IANUARI – IUNI

2026



Vasega Laiti


EKALESIA FAAPOTOPOTOGA KERISIANO I AMERIKA SAMOA

TUSI AOGA ASO SA



IANUARI – IUNI

2026



Vasega Laiti

MATAUPU TUSI AOGA – VASEGA LAITI

FEPUARI 01 – IUNI 28,2026

ASO/MASINA

MATAUPU

TUSI FAITAU

1. FEPUARI 01, 2026	“O LE FEAGAIGA NA FAIA I LE NUANUA”	KENESE 9: 8 – 17
2. FEPUARI 08, 2026	“O LE VALOAGA A NOA”	KENESE 9: 18 – 29
3. FEPUARI 15, 2026	“UIGA O LE FANAU A NOA”	KENESE 10: 1 – 22
4. FEPUARI 22, 2026	“MATAUPU FA’AMANATU”	FESILI MA TALI
5. MATI 01, 2026	“O PAPELU”	KENESE 11: 1 – 9
6. MATI 08, 2026	“O LE GAFA O NIUMAROTA”	KENESE 10: 8 – 14
7. MATI 15, 2026	“ O IOPU”	IOPU 1: 1 – 12
8. MATI 22, 2026	“O MA’I O IOPU”	IOPU 2: 1 – 10
9. MATI 29, 2026	“ULUFALE I LE MANUMALO(LAUPAMA)	LUKA 19: 28 – 48
10. APERILA 05, 2026	“TAPENA SE FA’ATINOGA MO LE ESETA”	
11. APERILA 12, 2026	“O UO A IOPU”	IOPU 2: 11 – 13
12. APERILA 19, 2026	“SAKAIO LE AO LAFOGA”	LUKA 19: 1 – 27
13. APERILA 26, 2026	“MATAUPU FA’AMANATU”	FESILI MA TALI
14. ME 03, 2026	“FA’AA’OA’O I LE LOTO MAUALALO O KERISO”	FILIPI 2: 1 – 11
15. ME 10, 2026(ASO SA TINA)	“MANATUA LOU TINA”	11 TIMOTEO 1: 1 – 7
16. ME 17, 2026	“E LE MAFAI E SE TAGATA ONA TAOFI LE AGAGA PAIA”	GALUEGA 5: 33-42
17. ME 24, 2026	“AUA LE PEPELO I LE AGAGA PAIA” (PENETEKOSO)	GALUEGA 5: 1 – 11
18. ME 31, 2026	“MATAUPU FA’AMANATU”	FESILI MA TALI
19. IUNI 07, 2026	“UA FILIFILIA TIAKONO E TOAFITU I LE GALUEGA”	GALUEGA 6: 1 – 7
20. IUNI 14, 2026	“O TU’UAIINA PEPELO IA SETEFANO”	GALUEGA 6: 8 – 15
21. IUNI 21, 2026	“O LE FASIGA O SETEFANO”	GALUEGA 7: 51 – 60
22. IUNI 28, 2026	“MATAUPU FA’AMANATU”	FESILI MA TALI

IULAI – MALOLOGA FONOTELE

ASO SA – FEPUARI 01, 2026

MATAUPU – “O LE FEAGAIGA NA FAIA I LE NUANUA”

TUSI FAITAU – KENESE 9: 8 – 17

SINI – Ia malamalama le fanau e fa'avavau le feagaiga na osia e le Atua i tagata atoa ma manu.

FESOASOANI MO LE FAIAOGA

Fa'atalofa atu i lau Susuga a le faiaoga, malo lava le galulue i lena fo'i tausaga ua mavae atu. Soifua manuia i le alofa ma le agalelei o le Atua. E manatu o lea fo'i o le a toe amatalia fo'i galuega fa'aauau o lena tausaga e ala i a tatou galuega fa'a faiaoga o le Aoga Aso Sa.

Tau ia ua na o ni ta'iala e taumafai atu ai ae o le a tu'uina atu pea le atoaga o le galuega ma lona fa'atinoina i lau Susuga a le faiaoga. E fa'amoemoe lava i le fesoasoani mai o le Atua e faigofie ai la tatou galuega.

FA'ASOA MO LE MATAUPU

O le tala ia Noa ma le feagaiga na osia e ia ma le Atua. O Noa o se tagata amiotonu o ia i ana tupalaga i ia ona po. Na folafola iai e le Atua le fa'ailoga e fa'ailoa mai ai e le toe iai se lolo e ala i le nuanua i le ao. O le feagaiga e fa'avavau ua o'o mai lava i aso nei le fa'amaoni o lea feagaiga na osia e le Atua ma Noa. O le folafolaga a le Atua e le toe fa'asalaina le lalolagi ise lolo. O lana feagaiga o tagata atoa ma manu, auā o le fa'asalaga lea na fa'asalaina ai le lalolagi tuai e ala i le lolo na fa'aumatia ai tagata atoa ma manu.

GALUEGA FA'ATINO:

1. Fa'amalamalama le tala ia Noa i tamaiti.
 - O le uiga o le igoa o Noa "Mapu"
2. Fa'amanino upu o le faitauga
 - Uiga o le upu Feagaiga "o se maliliega i le va o ni tagata se to'alua po'o ni tagata."
3. Fai ni fesili e uiga i le tala.
 - O afea e muta ai le feagaiga a le Atua ma Noa?

Tali- O le feagaiga e fa'avavau e le gata mai.

- O va'aia pea le nuanua i aso nei?

Tali- Ioe, o lo'o va'aia pea i o tatou fo'i aso.

A'OA'OGA:

1. E fa'amaoni le Atua i ana fetalaiga.
2. O le Atua e tumau lona alofa i lana fanau, atoa ma meaola uma o lana foafoaga.

TAULOTO: Kenese 9 : 17

“O le fa'ailoga lena, o le feagaiga ua ou fa'atumauina e a'u ma meaola uma o i le lalolagi.”

MANUIA GALUEGA AMATA O LENEI TAUSAGA.



ASO SA – FEPUARI 08, 2026

MATAUPU – “O LE VALOAGA A NOA”

TUSI FAITAU – KENESE 9: 18 – 29

SINI – Ia maea le mataupu ua manino I le fanau, o le ola manuia e maua I totonu o le aiga.”

FESOASOANI MO LE FAIAOGA:

Fa'amalo lava le onosa'i ma le fa'apalepale, o le Aso Sa lona lua lena o a tatou Aoga Aso Sa mo lena fo'i tausaga. ia mulimuli ta'i pea i tusi faitau ua tu'uina atu ina ia sagatonu lau tapenaga ma le 'autu o lea aso ma lea aso. Ia fa'atāua pea faitauga Tusi Paia a le fanau.

FA'ASOA MO LE MATAUPU:

FA'ASOA MO LE MATAUPU:

Ua manino mai le faitauga o i nā na afua ai tagata i le lalolagi. Sa usu gafa le fanau a Noa ma ua fa'ato'ateleina ai pea le aofa'i o tagata o le lalolagi. O Semu, Hamo, ma Iafeta o tama ia o le fanau a Noa, na fananau mai ai nu'u eseese i le lalolagi i na ona po. O gafa (tupuaga) o le fanau a Noa, a o le ata lafoia foi lea o le tagata ma lona fa'asinomaga.

O tala o le tuana'i na tu'u fa'asolo mai e augā tupulaga o le nu'u, na manino lelei ai le tupuaga o le tagata. O Semu Hamo ma Iafeta, o le tupuaga o nu'u e tele. O Semu na tupuga mai ai Aperā'amo ma Isaraelu, o Hamo o le tupu'aga o sa Kanānā ma Aferika, a o Iafeta o le tupu'aga o le atu Europa ma nu'u e lata ane i Asia. O le feau ma le tāua o lenei mataupu, ia iloa e le fanau o latou matua ma matua o latou matua.

GALUEGA FA'ATINO

1. Ia mātauina igoa o le fanau a Noa ma o latou uiga
 - SEMU – IGOA
 - HAMO – LA PO'O LE VEVELA
 - IAFETA – FA'ALAUATELE
2. Fa'atino le tala e uiga ia Noa ma lana fanau.
3. Fesili i ai pe latou te manatuina igoa o latou aiga ma matua
4. Fa'amalamalama nai upu o le tala na faitauina.

*Gafa – o le amataga o le tupuaga o le tagata.

5. Silasila ane nisi upu e te sil;afia e tatau mo tamaiti ona malamalama ai i se gagana faigofie.

A'OA'OGA

1. Ia tatou iloa o tatou tupu'aga ma o tatou aiga
2. Ia tauave i o tatou ola uiga lelei o tatou aiga.
3. Fai le mea lelei ina ia aua nei ta'uvalea o tatou aiga, nu'u ma le Ekalesia.

TAULOTO – Tauloto igoa ia o le fanau a NOA, SEMU, HAMO, IAFETA

IA MANUIA LE ASO SA

ASO SA – FEPUARI 22, 2026

MATAUPU –“ FA'AMANATU O FEPUARI : FESILI MA TALI”

SINI – Ia taumafai pea e toe fesili e faamanatu I tamaiti nai mataupu na aoaoina ai i le nei masina.

FESOASOANI MO LE FAIAOGA

Fa'afetai i le galuega malo le galulue i lenei fo'i masina. O lenei lava Aso Sa o le toe fa'amanatu o mataupu ua tuana'i, aemaise ai o le tāua o tala ua uma ona fa'amatalaina. O nai fesili e tu'uina atu mo le toe fa'amanatu ane i lau vasega. Fa'aopoopo ane e lau Susuga nai fesili e fa'asoa atili ai i mataupu ia, e fua lava i lo outou taimi fa'aaogaina.

FESILI MA TALI

1. O le a le uiga o le igoa o Noa?

Tali – o le mapu

2. O le a le faailoga o le feagaiga a le Atua ma Noa?

Tali – O le nuanua e vaaia i le ao

3. O ai na osi feagaiga ma le Atua?

Tali O Noa atoa ma manu

4. E toafia na faasaoina mai le lolo?

Tali – e toa valu

5. O fea e amata ai ona maua le manuia o le tagata?

Tali – E maua i totonu o le aiga

6. E fa’apefea ona tatou maua le manuia?

Tali – Pe afai tatou te usiusita’i ma ava i o tatou matua

7. Tau mai uiga o igoa o le fanau a Noa?

Tali – Semu – igoa, Hamo – vevela po o le mu i le la, ma Iafeta – faalautele

8. O le a le taua o tatou igoa?

Tali – E iloa oe i lou igoa ma ua mea e fai po’o lau amio e manino lelei ai lou igoa

9. O le a le tele o tausaga na ola ai Noa?

Tali – ivaselau ma le limasefulu

10. O le a se feau i le tala ia Noa ma lana fanau?

Tali – O le ola manuia o fanau e faalagolago i matua, aemaise foi le ola usiusita’i o fanau i matua

Fa’ai’u le vasega i se tatalo e saunia e lau Susuga, ae fa’ata’ita’i i ai tamaiti fa’amolemole.

IA MANUIA SUEGA FEAGAI AI

////////////////////////////////////

ASO SA – MATI 01, 2026

MATAUPU – “O PAPELU”

TUSI FAITAU – KENESE 11: 1- 9

SINI – Ia latou malamalama i le ala na fausia ai Papelu ma lona uiga.

FESOASOANI MO LE FAIAOGA: Fa’amalo le onosa’i fa’amalo fo’i le galulue; silasila ane lava i nai fa’asoa, ina ia manino lelei le tala o lenei aso sa aemaise o lenei masina. Ia aua lava ne’i o tatou o ese mai Tusi Paia e faigofie ai le tapenaga.

FA’ASOA MO LE MATAUPU:

Ua tupu ma ola le fanau a Noa i le lalolagi, ma ua latou maua le laufanua laugātasi o Senara. Ua latou fa’apotopoto i le mea e tasi ma ua manatu e fia faia se ‘olo maualuga e tā’ua ai i latou i le lalolagi.

E tasi le gagana sa tautatala ai tagata uma i ia ona po. Ae peita’i o i tonu lava na mafua ai ona tele gagana eseese i le lalolagi. Na latou ‘au’au fa’ata’i lava e fausia le olo o Papelu. Ua sila sila ane le Atua e lē lelei, ona fa’aeseeseina ai lea o a latou gagana. Ua mafua ai ona le mafai ona fa’auma le galuega.

GALUEGA FA’ATINO:

1. Fa’amalamalama uiga o upu o lo’o i totonu o le tala

-Papelu – o lona uiga o le fa’aeseeseina.

-Fetaualatalaā’i – talatalanoa

-Senara – O le igoa o le laueleele na fausia ai le olo a Papelu.

ASO SA – MATI 22, 2026

MATAUPU – “O MA’I O IOPU”

TUSI FAITAU – IOPU 2: 1 – 10

SINI – Ia latou mautinoa o Iopu o le tagata onosa’i i ona ma’i.

FESOASOANI MO LE FAIAOGA:

Fa’amalo le fa’amalolosi fa’afetai le galuluega. Manatua pea le tusi faitau, ia fuafua iai le sauniuniga ma le fa’amatalaina ole matatupu. Ia iai lava se mea tāua e maua e le fanau mai le mataupu.

Manatua le Aso Sa o lo’o lumana’i o le aso o le Laupama. O le a tu’uina atu pea le tapenaga o le mataupu i lau Susuga le faiaoga mo le Aso Sa o le malaga fa’atupu a Iesu i Ierusalem.

FA’ASOA MO LE MATAUPU : O le tala ia Iopu ma ma’i leaga na o’o ia te ia. O Iopu o le auauna a le Ali’i o le tagata amiotonu ma ua sao lana amio. Peita’i, o se tasi aso ua fa’aosoosoina ai o ia e satani e ala i lona ma’i papala. Na amata mai lava i le tumua’i se ia o’o i ona alofivae, le malosi o le ma’i sa maua ai o ia. Na faifai iai lana avā ua tata nei ona ia tu’ua le Atua o lo’o talitonu iai aua ua o’o mai lava le oti ae le o lavea’iina o ia e le Atua.

E le’i mafai e lea ma’i ona vaivai ai le loto o Iopu, ae na atili ai ona fa’amautuina lona fa’atuatua i le Ali’i. O le auauna na onosa’i i ona puapuaga na loto tele fo’i i tigā ua o’o mai ae na fa’atuatua lava i le Atua. Ua manumalo Iopu mai le leaga o le ma’i na afaina ai.

GALUEGA FA’ATINO:

1. Fa’amalamalama upu o le Tusi Paia
 - satani – o le fa’aosooso mai
 - amiotonu – o le amio sa’o
 - faifai – ulagia
2. O nai fesili e atili malamalama ai le lesona
 - O le a le ma’i a Iopu?

Tali; O le ma’i papala

- O ai na fai fai ia Iopu?

Tali; O lana avā

- Na mafai e Iopu ona onosa’i ona o le tigā o lona ma’i?

Tali; Ioe, na tumau lava lona talitonuga (faatuatua) i le Atua.

3. Fetufaa’i ma le vasega i le mataupu

A’OA’OGA:

1. Ia tatou onosa’i i mea tatou te tigā ai
2. Tumau o tatou loto i le Atua
3. Aua tatou te faifai i nisi o lo’o tigaina ma vaivai.

TAULOTO: IOPU 2:10

“Ua tatou talia mealelei mai le Atua, ae tatou te le talia ea ma mea”

PESE: Tusi Pese # 225

IA MANUIA LE ASO SA

////////////////////////////////////

ASO SA – MATI 29, 2026

MATAUPU – “ULUFALE I LE MANUMALO” (ASO SA LAUPAMA)

- Asia le tu'ugamau e Maria le Makatala.
- Tu'ugamau ua avanoa
- So'o o Iesu na mulimuli atu.
- Tu'ugamau tu'ufua
- 'Ie na tanuma'i ai le Ali'i ma lona solosolo na tu'u i le tu'ugamau.
- Feiloaiga a Iesu ma Maria i luma o le tu'ugamau.

A'OA'OGA:

1. Ia manino pea i lau fa'atinoga, ua iloa e le fanau, le manumalo o Iesu nai le oti ma le tu'ugamau.
2. Na o Iesu lava tatou te manumalo ai i so'o se mea o lo'o feagai ma i tatou i lenei olaga.

PESE: Taea segisegi.....

MANUIA LE TAEAO O LE ESETA.

////////////////////////////////////

ASO SA – APERILA 12, 2026

MATAUPU – “O UO A IOPU”

TUSI FAITAU – IOPU 2: 11 – 13

SINI – Ia iloa ma malamalama i igoa o uo a Iopu.

FESOASOANI MO LE FAIAOGA:

Fa'atalofa atu i lenei taea malo le soifua manuia, e manatu o lo'o sologa lelei pea a tatou mataupu o lo'o feagai ma outou i lea Aso Sa ma lea Aso Sa. O lea ua toe fo'i la tatou mataupu i le tala ia Iopu ma ana uo. Ia fa'ataua pea le fa'amatalaina o tala e tusa o fuaiupu ua aumaia i le tusi faitau.

FA'ASOA MO LE FAIAOGA:

A'o feagai Iopu ma ona ma'i, sa leai se fa'amalosi 'au na ia maua mai lana avā ma lona aiga. A ua fa'ateteleina ai le tiga o Iopu. Ina ua fa'alogu uo a Iopu i nei mea leaga ua o'o ia te ia, ona o ane lea se i va'ava'ai pe moni le tala ua latou maua. E eseese nu'u na malaga mai ai uo e to'atolu nei a Iopu. O Elifasa le Timanu, o Pilitati le Sua, Sofara le Na'ama. Ua latou loto gatasi latou te omai e fa'amafanafana ia te ia, na latou leiloa o ia auā ua latou tau leiloa atu ni foliga ona o le ma'i ua afaina ai. Na saei o latou ofu ma fetagisi, ma asu a'e le lefulefu i luga o latou ulu, ma ua latou nonofo ai ma ia i le eleele i ao e fitu ma po e fitu, ae le'i tautala lava ise upu e tasi.

GALUEGA FA'ATINO:

1. Ia malamalama tamaiti i igoa o uo a Iopu ma nu'u na o latou omai ai.
 - Elifasa le Timanu
 - Pilitati le Sua
 - Sofara le Na'ama
2. Manaia ae fa'atino le tala i le gasologa o lo'o aumai ai.
 - Iopu o le tagata ma'i
 - Elifasa
 - Pilitati
 - Sofara

3. Manaia foi ae fa'atino la tala o lo'o aumaia i lona fa'asologa

Iesu – motu o tagata – Sakaio i luga o le la'au – alu ifo ia i lalo – ua o ma Iesu i lona aiga

A'OA'OGA

1 – Ia fa'aolaina nisi ona o i tatou

2 – E ola le tagata agasala i lona fa'atuatua

3 – Saili i le Alii e ola ai

PESE – Sakaio le taagta pu'upu'u sa'asaa.....

MANUIA LE ASO SA

////////////////////////////////////

ASO SA – APERILA 26, 2026

MATAUPU – “FA'AMANATU: FESILI MA TALI”

SINI – Ia latou malamalama ma iloa tala ia ua ma'ea

FESILI MA TALI

1. O le a se aoaoga na maua mai le tala o le Eseta?

Tali – Ia ola manumalo ona o le manumalo na faia e Keriso

2. O ai na muamua asia le tuugamau?

Tali – O Maria le Makatara ma isi soo

3. O fea oi ai Iesu sa i le tuugamau?

Tali – Ua toe soifua mai, o loo i ai o ia faatasi ma lona Tama i le lagi

4. O ai igoa o uo a Iopu?

Tali – O Elifasa, Pilitati ma Sofara

5. O le a le galuega faamafanafana o uo a Iopu?

Tali – Na saei o latou ofu, ma asu ae le efeefe i o latou ulu ma nonofo pea ma ia i ao e fitu ma po e fitu

6. O le a se aoaoga na maua mai i le tala i uo a Iopu?

Tali – Saili se uo lelei, ae sili ai lava le fai uo ia Iesu

ASO SA – ME 03, 2026

MATAUPU – “FA'AA'OA'O I LE LOTO MAUALALO O KERISO”

TUSI FAITAU – FILIPI 2: 1 – 11

SINI – Ia iloa ma malamalama tamaiti i le amio e tatau mo i tatou.

FESOASOANI MO LE FAIAOGA: Fa'afetai le galulue malo le onosa'i ma le fa'apalepale pea le tatou galuega fa'aauau. E manatu o lo'o manuia pea lau Susuga le faiaoga i lenei taeao, taofi mau pea i le lesona aemaise upu o le faitauga ina ia o fa'atasi ma lau lesona.

FA'ASOA MO LE MATAUPU: O le fa'asoa atu o le Aposetolo i le Ekalesia i Filipi, ona o le ola fe'ese'esea'i o lotu o tagata o lo'o iai. O le ata fa'a-fa'atusa ua ta'u atu e le Aposetolo e tatau ona amio a'i tagata Filipi ia tasi le lotu, ma ia maua le lotu maualalo e tagata uma. O le fa'asoa a Paulo ona o le olaga o Keriso e le'i taofi mau i sona tulaga mamalu po'o se olaga fa'aeaea, ae na ia alu ifo lava i lalo e soifua fa'atasi ma tagata. O uiga lelei ia

o Iesu Keriso na fa'amanatu atu e Paulo ina ia soifua ai tagata o le Ekalesia. Ma le toe manatu a le Aposetolo, o le Atua lava e tatau ona viia ma to'otuli iai tulivae uma lava i le suafa o le Ali'i.

GALUEGA FA'ATINO:

1. O upu e fa'amalamalamaina:

- LOTO GATASITASI - O le loto e tasi ma maopoopo.
- FINAU VALE- Finau tusa lava pe sesē, po'o le finau i mea le sa'o.
- LOTO MAULALO- Agamalū ma agamalie

2. Nai fesili ina ia malamalama atili

- O ai na fautuaina e le Aposetolo?

Tali: O le Ekalesia i Filipi

- O ai e tatau i ai ona fai ma fa'ata'ita'iga o le amio?

Tali: O Iesu fa'ata'ita'iga sili

- O ai e talafeagai ona ave iai le viiga?

Tali: O Iesu Keriso.

3. Tu'u le avanoa e fa'asoa mai ai le fanau i ni latou manatu.

A'OA'OGA

1. Ia maua ni loto maualalo pei o Iesu.
2. Aua le fe'ese'esea'i a ia loto gatasitasi.

PESE: A i ai Iesu i se aiga.....

MANUIA TELE LE ASO SA O LE ALI'I

////////////////////////////////////

ASO SA – ME 10, 2026

MATAUPU – “MANATUA LOU TINA” (ASO SA O TINA)

TUSI FAITAU – II TIMOTEO 1: 1 – 7

SINI – “Ia maea ane lenei mataupu ua iloa e tamaiti le alofa o o latou tina.”

FESOASOANI MO LE FAIAOGA:

Malo le soifua manuia, fa'afetai lenei taeao fou ua tatou aulia mai. Fa'amanuia atu le Aso Sa o tinā i lenei fo'i tausaga, ia tuliloa pea le taua o le Aso Sa o Tinā mo le fanau.

FA'ASOA MO LE MATAUPU:

O le apoapoa'iga a le Aposetolo o Paulo i lona atali'i fa'aleagaga o Timoteo. O lana tusi fa'afetai fo'i lea ia Timoteo aemaise o le pitola'au o le a'oa'oina o ia e lona tinā ma le tinā o lona tinā. E mulia'i ona maua e Paulo Timoteo i le tala'iga, ae na muamua lava ona a'oa'oina o ia i mataupu tau le Atua e lona tinā ma le tinā o lona tinā. O le fa'amalosi 'au a Paulo ina ia maua e Timoteo le loto fuatiaifo e mamā. Aemaise ai aua ne'i galo le fa'atoga atu i le Atua mo se fesoasoani. O Timoteo ua feagai nei ma le galuega tala'i, ae mu'a le vao i lona soifua a'oa'oina. Ae na ta'utino e Paulo o le agaga o le Atua na te maua ai le malosi e faia ai lana galuega.

GALUEGA FA'ATINO:

Nai upu e fia fa'amalamalamaina:

1. Loto fuatiaifo – loto ua malie ma ua atoatoa.
2. Olioli – O le fiafia.
3. Loi – Tinā o lona Tinā, Eunike – o le tinā o Timoteo.

Fa'asoa pea ma le vasega i fesili ma tali.

1. O ai na ave iai le tusi a le Aposetolo?

Tali: O Timoteo

2. O ai na a'oa'oina Timoteo a'o le'i feiloa'i ma Paulo?

Tali: O lona tinā ma le tinā o lona tinā.

3. O le a le fa'amalosi 'au a le Aposetolo?

Tali; Ia maua le loto fuatiaifo e mamā ma ia fa'amoemoe i le agaga o le Atua.

A'OA'OGA:

1. Ia tatou alolofa i o tatou tinā.
2. Aua ne'i galo le tausiga a o tatou tinā.
3. Ia ola usiusita'i i o tatou tinā.

PESE: Tinā, tinā ea, po'o e lagona mai ita.....

MANUIA TELE LE ASO O TINA.

////////////////////////////////////

ASO SA – ME 17, 2026

MATAUPU – “E LE MAFAI E SE TAGATA ONA TAOFIA LE AGAGA PAIA”

TUSI FAITAU – GALUEGA 5: 33 – 42

SINI – Ia iloa ma malamalama le vasega i le uiga ma le aogā o le Agaga Paia.

FESOASOANI MO LE FAIAOGA

Fa'amalo le onosa'i, fa'afetai mo le galuega. Atonu o lo'o sologa lelei pea la tatou galuega fa'aauau o lo'o outou feagai ai. Ia tautuana lava le Tusi Paia ma lona fa'amatalaina e tusa o fuaiupu mai le faitauga. Fa'amalosi pea foi le faitau a fanau.

FA'ASOA MO LE MATAUPU

O tala na fa'amaui i mea na tutupu i aso ao feagai le 'au Aposetolo ma le tala'iga, i nu'u ese. E le'i faigofie le amataga o le Ekalesia, ona o le lē taliaina o a'oa'oga ma le tala lelei e uiga ia Iesu i ia ona po. Na fai le fonofa a le nu'u, ma latou a'ami i le 'au Aposetolo se'i fai i ai se fa'asalaga, ona e latou te lē taliaina le tala lelei ma le suafa o Iesu. Na latou fa'asaua ia te'i latou ma tutuli ese ma le nu'u.

O le molimau a le Tusi Paia, e le'i mafai lava ona taofia le aga'i pea i luma o le tala'iga ma fa'aauau pea. O le malosia lea o le Agaga Pa'ia na fa'atumuina ai latou ma galulue ai lava se'ia o'o mai lava i o tatou aso. O le Agaga Pa'ia lea na fai ma malosia, po'o le malosia lilo na mafua ai ona le muta le alu a le talalelei i le lalolagi. O Peteru ma le 'au Aposetolo na ulu i lea fale ma lea fale ona o le talalelei, na inosia e tagata ae le'i fa'avaivai ai lava le tala'iga.

GALUEGA FA'ATINO

1 – O upu e fia fa'amanino i le mataupu

- Peteru – so'o o Iesu, uiga o lona igoa – “o le ma'a po o le papa”
- Kamalielu – ta'ita'i po'o le a'oa'o i le tulafono, o ia o le Faresaio
- Ua le mapu – na le malolo po ua le matāofia

2 – Fetufa'a'i pea i nai fesili, SA'O po'o le SESĒ

1. Sa fiafia tele tagata e talia le talalelei. SESĒ
2. Sa le mafai ona taofia le alu a le talalelei SA'O
3. O Peteru ma le 'au Aposetolo na mafua ai ona o'o mai le talalelei i le lalolagi SA'O
4. O le Agaga Paia o le malosia sili lea na manuia ai le tala'iga. SA'O

3 – Fa’auau pea i nisi fesili ma fa’asoa pea fa’amolemole.

A’OA’OGA

1 – E maua le malosi i le fesoasoani mai o le Agaga Paia ia i tatou

2 – Aua e te fa’alagolago i lou poto ma lou malosi, a o le Agaga Pa’ia

PESE – 110

MANUIA LE ASO SA

////////////////////////////////////

ASO SA – ME 24, 2026

MATAUPU – “AUA LE PEPELO I LE AGAGA PAIA” (ASO SA PENETEKOSO)

TUSI FAITAU – GALUEGA 5: 1 – 11

SINI –Ia malamalama lelei i le uiga o le Penetekoso ma le Agaga Paia ma le leaga o le olaga pepelo.

FESOASOANI MO LE FAIAOGA: Malo le tauivi fa’afetai le finau. O lenei lava Aso Sa o le asō o le afio a’e o le Agaga Paia. O nai ta iala lava e fesoasoani atu ai ae o lo o ia te oe pea le auala e fesoasoani ai ina ia malamalama le mataupu.

FA’ASOA MO LE MATAUPU

O le amataga o le tau fa’amautu o le ulua’i Ekalesia, sa saili lava le tamaoaiga e fesoasoani ai mo lona atina’eina. Sa matele lava i le ofo atu e tagata lolotu meaalofa e fesoasoani ai. Ae peita’i, o le ulugalii o Anania ma Safaira na la ofo lo la fanua e fa’atau atu, a maua ai se tupe ona avatu uma lea o le tau e fesoasoani ai i le galuega a le Atua,

O le mea na tupu i lea ulugalii, ua la fa’atau atu, ma ua maua ai le tamaoaiga ma ua vavae ese nisi tau o le fanua ma laua, a ua ave le tau na totoe mo le Ekalesia e fesoasoani ai. O le iuga o lea ulugalii na tatanu i laua i luma o le falesa ona o tagata ua pepelo i luma o le Atua atoa ma tagata.

GALUEGA FAATINO

1 – O upu ina ia malamalama –

- Anania ma Safaira o le ulugalii
- Penetekoso – limasefulu aso talu ona toetu Iesu
- Agaga Paia – o le isi peresona lona tolu o le Atua
- Fa’ananā – fa’alilo po’o le musu ia aua ne’i iloa, fa’alafi

2 – Fetufa’a’i i nai fesili

1. O ai le igoa o le ulugalii? Tali – Anania ma Safaira
2. O le a le iuga na o’o i le ulugalii? Tali – Na feoti ma ua tanu i luma o le falesa
3. Aisea na feoti ai i laua? Tali- Ua la pepelo i le Atua atoa ma tagata

3 – Faitau fa’atasi ma le fanau ina ia lelei pea le faitau.

A’OA’OGA

1 – E le lelei le olaga pepelo i le Atua atoa ma tagata

2 – Fiafia e ola foa’i mo le Atua ma isi tagata

3 – Ia talia le Agaga Pa’ia o lo’o fesoasoani mai mo i tatou

Fa’aiu ane le vasega i le tatalo, e fa’ata’ita’i ai tamaiti i lau Susuga fa’amolemole.

MANUIA LE ASO SA MA ONA SAUNIGA

Tauivi ma fa'amalosi pea aua ua le lilo lava i le silafaga a le Atua lau galuega fa'aauau pea. O le fa'aauauina pea o le tala ia Setefano ma le tofia o tiakono mo le galuega ina ia soso'o pea lau fa'amatalaina ma le tala ua tuana'i

FA'ASOA MO LE MATAUPU

Ua ma'ea ona tofia le to'afitu o tiakono mo le fesoasoani i le galuega, ae peita'i , ua inosia foi Setefano ona o lona potu ma lona toma'i i le galuega a le Alii.

O ia na ia faia vavega ma ua tumu o ia i le Agaga Paia o le Atua. O le auauna na ia te ia le Atua, o le ala lea na manatu ai tagata ua ia fa'aliliuina le tulafono a Mose ma ua ia upu leaga i le Atua ma faifai i ai.

O se tu'ua'iga pepelo ua fa'asaga ia te ia, aua ua loto leaga tagata mai Alesania ma Kilikia. Ua latou molia o ia i luma o le nu'u ma ua latou fafau lava ni mea leaga e ta'uleaga ai. Na sao lava mea leaga na latou molia ai o ia ma ua faia le fonu a le nu'u se'i fai i ai se i'uga aua ua latou manatu o ia o le tagata leaga na ia faifai ia Mose, o le na aumaia tulafono mo le nu'u. Ua latou a'ami ia te ia e auai i le fonu, ma ua latou iloa ai ona foliga ua pupula mai pei o se agelu.

GALUEGA FA'ATINO

1 – Upu e fia fa'amalamalamaina-

Sunako – fale tatalo, **molina** – ave e fa'amasino ini tu'ua'iga.

molimau pepelo – o tala le sa'o ua tu'u'aia ai se tasi, **pulato'a** – va'ai sa'o i ai.

2 – Fetufa'aiga i fesili –

1. Aisea na tu'ua'ia ai Setefano?

Tali – ua ia faifai ia Mose ma upu leaga ia Iesu.

2. E sa'o ia tu'u'aiga na latou molia ai o ia?

Tali – e sesē, ae na mafua ona ua mafai e Setefano ona fai o vavega ma fa'ailoga.

3. O a foliga o Setefano na iloa e tagata ina ua molia o ia i luma o le fonu?

Tali – Ua foliga mai e pei o se agelu, e le fefe, e le popole foi.

3 – Ia fa'amatala mai lava i lona fa'asologa le tala – tofia e fai ma tiakono – ua galulue, ae le fa'amalieina foi – tu'ua'iga ia te ia – molina i luma o le fonu – ona foliga na va'aia e le nu'u.

AOAOGA

1 – aua le popole i tala a tagata, a ia fa'amoemoe i le Alii

2 – Aua nei o tatou tu'ua'ifua nisi i ni mea e le sao

PESE – #380

MANUIA GALUEGA O LENEI ASO SA

////////////////////////////////////

ASO SA – IUNI 21, 2026

MATAUPU – “O LE FASIGA O SETEFANO”

TUSI FAITAU – GALUEGA 7: 51 – 60

SINI – Ia latou malamalama i le iuga na o'o ia Setefano ma lona tumau pea i le Alii.

FESOASOANI MO LE FAIAOGA

Tali – Ioe na fa’ae’e i ai lima o le ‘au Apositolo

3. Aiseā na tu’uaia ai Setefano?

Tali – ua ia faifai ia Mose ma upu leaga ia Iesu.

4. E sa’o ia tu’ua’iga na latou molia ai o ia?

Tali – e sesē, ae na mafua ona ua mafai e Setefano ona fai o vavega ma fa’ailoga.

5. O a foliga o Setefano na iloa e tagata ina ua molia o ia i luma o le fonofono?

Tali – Ua foliga mai e pei o se agelu, e le fefe, e le popole foi.

6. Aiseā na ita ai tagata ia Setefano?

Tali – ona o vavega ma fa’ailoga na faia e ia aemaise o lona tumau pea i le Atua.

7. Na fa’apefea ona oti Setefano?

Tali – Na latou fetogi ia te ia i ma’a i tua o le pa o le a’ai.

8. O le a le gaioga a Setefano na fai a o fetogia o ia i ma’a?

Tali – Na ia to’otuli ma alaga i le Atua ina ia fa’amagalo i tagata.

9. O le a se a’oa’oga na maua mai i le oti fa’amaturo na o’o ia Setefano?

Tali – E talia fialia e le Ali’i se ola e ofoina atu e pei o Setefano.

10. O le a se mea e tatau ona tatou faia pe a fai e fa’atusatusa tatou ma Setefano?

Tali- Tatou fialia e tautala i le upu moni ma ta’uta’u pea le suafa o Iesu.

MANUIA TELE LE LE TU’UAGA MA LE MALOLOGA O A TATOU FEAU O LENEI FO’I ‘ AFA TAUSAGA.

MANUIA LE ASO SA.

////////////////////////////////////



Tautua Printing Press
1 Kanana Fou St, P.O. Box 1537
Kanana Fou, American Samoa 96799
(684) 699-9810
<https://efkas.org>